

## Ályktun stjórnar Sjómannafélagsins Jötuns, vegna sölu Bergs-Hugins til Síldarvinnslunnar.

Með sölu Bergs-Hugins til Síldarvinnslunnar í Neskaupstað lýkur 40 ára útgerðarsögu Bergs-Hugins. Margt hefur gengið á á þessu tímabili í útgerðarsögu Íslendinga. Skin og skúrir hafa skipst á þennan tíma og oft hafa útgerðirnar staðið tæpt. En þá börðu menn í brestina og héldu áfram. Sýndu samfélagslega ábyrgð og sýndu af sér mikið siðferðisþrek. Saga útgerðar og vinnslu í Vestmannaeyjum sýnir að þeir sem höfðu þrek, þor og dug stóðu uppi sem sigurvegarar. Þó illa gengi eitt árið eða kannski fleiri þá fylltust menn eldmóði til að gera betur næsta ár og bæta fyrir tapið.


Að hafa mannaforráð er ábyrgðarstaða og þegar menn eru á þeim stað verður að sína samfélags- og siðferðislega ábyrgð og standa með sínu fólki og reyna með öllum ráðum að tryggja afkomu þess til framtíðar.

Stjórn Jötuns sjómannafélags harmar þá niðurstöðu meirihlutaeiganda Bergs-Hugins að selja fyrirtækið úr bænum. Með þessum gerningi er atvinnu um 40 sjómanna í Vestmannaeyjum stefnt í mikla óvissu.

Stjórn Jötuns telur að aðaleigandi Bergs-Hugins hefði átt að bjóða heimamönnum fyrirtækið áður en annara leiða var leitað. Einnig lýsir stjórn Jötuns fullum stuðningi við bæjaryfirvöld í Vestmannaeyjum vegna forkaupsréttarákvæðis laga um stjórn fiskveiða.

Vestmannaeyjum 4 september 2012.

F.h. stjórnar Jötuns sjómannafélags



Valmundur Valmundsson